

帆足先生文集

一

漢文

數冊	古記	號番
三	一	三七
學校	縣中	滋賀

917.6

558

Vol.1

帆足先生文集

帆足氏藏板

序

昔者王室之隆。禮樂刑政。取法唐氏。其宣辭命。敷政教者。皆以漢文行之。當時公卿大夫。舉嫺文辭。濟濟乎其盛矣。降至戰國。日尋干戈。文教墜地。罔知之講。逮江都興。崇奉儒術。序序學校之設。遠超前古。師儒下帷講習。

校立彥

者多尚修辭。而所著撰。聚多瑕類。求其醇乎醇者。不可得也。帆足先生嘗戲曰。和人作文。譬如獼猴演劇。可以為奇。不可以為巧。然其教弟子。猶以詩文者何耶。蓋以後生不學文。無以通古經也。先生詩文。家不置稿。其所著作。率散軼不傳。頃得門人纂錄者二百

餘篇。竊校讐。使可傳。學者先生之於經術。闡發幽蹟。疏決鬱滯。為功極偉。喜治窮理之學。譯西籍。作窮理通數萬言。明形氣之用。究變化之故事。該而理奧。自高足弟子。少能通曉。原疾病之生。與藥石性功之異。以教弟子。學醫者。皆為良工。若詩文特

其餘事耳。而逸宕雅健。翩翩然  
有宋明之風。讀者其有以知先生  
為學之勤也。

弘化四年十月

喜成門人之學。岡松辰謹撰

翰海瀛洲對壘對河海身寄五  
嶽

帆足先生文集卷之一

步至下鴨祠

十里長堤鴨水東。土膏微潤不生塵。  
野店幾群浮白客。羅裳一帶踏青人。

北郭寓居三首

享和  
癸亥

樹木蒙籠繞草亭。空簾獨坐曠郊垆。  
階前長著一雙屐。無復他人向此經。  
負郭煙霜秋氣清。野塘西畔最留情。  
鴨兒睡起無人

見却向折蘆深處行。  
孤村落月隱西隣。  
甕牖茅籬各自貧。  
可是秧雞來喚夢。  
幽居無復叩扉人。

惠下村

郊雲漏日映東菑。  
寒雨家人墮戶時。  
正是豐年歲功畢。  
笙歌共賽社公祠。

送人東上

行雲黯澹暗江關。  
游子懷家慘別顏。  
好是秋風掛帆席。  
夜來直過擔兒山。

城樓

高樓城北畔。登望對寒山。  
喬木知郊邑。危橋識海灣。  
周遭三里郭。營置百年間。  
泰運多休息。雞鳴遠四關。

過松屋寺代家君作二首

乙丑 文化

清泉綺石繞香臺。  
寂寞寒庭幾早梅。  
盡日耽閑蓮社客。  
可憐衣帶滿塵埃。

祇林翠葉雪霜濃。  
揮麈留連丈室中。  
落日却尋歸馬路。  
開雲送客出花宮。

古刹止松屋寺後山

石路紆繁穿粟薪。憑高一望俯平津。窮山驛路無車馬。負郭田廬雜吏人。海嶠雲開仍見雪。江城日暖始知春。殷勤為屬東林客。欲以儒冠問宿因。

下風

忽出土囊口。蓬蓬行不窮。吹噓隨地氣。長養盡天功。拔木飄周野。離蘭上楚宮。何如虞帝德。操入五絃中。

移宅別泉

日漱園中泉。清冷勝冰雪。欲別來相照。依依見毛髮。

藤五園

城北北山下。地號藤五園。瘠土人多苦。屋舍盡荒村。鑿井不得水。累石以為垣。沈遇寒冬候。草木歸其根。霏霏霰雪下。陰陰雲霧屯。我抱無窮感。臨風與誰言。暝色自遠合。望望欲黃昏。幡然促歸策。一路指郭門。牽牛花

彫殘剪綺巧難窮。鮑質娟娟白露中。纔見朝陽先自謝。不從荒圃恨秋風。

賜宅松郭二首

文化  
庚午

蕭然茅竹數椽居。講散空堂轉闔如。厠班中士已漸

忝受粟廩人寧願餘。暮發凄風吹戶牖。熹微寒日轉  
門閭。貧來却喜無人事。飛雪屯雲向歲除。  
無限窮愁強自寬。天涯霰雪正漫漫。多收藥餌慚長  
病。漫誦詩書愧素餐。老屋寒窓須改歲。緼袍添絮也  
過寒。負郭素無田業在。情知人世掛冠難。

中洲

浦口秋潮落。參差出石磯。不待游魚上。何人挈網歸。  
尖嘴

遠樹盤江曲。空波向晚明。何人吹鐵笛。出浦一無聲。

鳴山

極浦長松樹。縈回映江渚。向晚翠嵐多。蒼蒼不知處。

書樓

細路縈回上北山。怪巖穹石亂松間。寒烟城外二三  
里。不見樵人趁晚還。

絲汀

暮春春服成。風日亦清美。冠童五六人。游步出城市。  
斯境在迤邐。勝絕况罕比。裨海劃豐豫。山鳴遠相峙。  
往來多帆檣。雲霞互炊累。望日潮水澗。十里出沙址。

極浦樹排薺。平沙人聚蠃。鄙民資螺蛤。殊形雜蟲豸。  
怪教抱石偏。弱藻隨淪靡。奇觀且窮隲。憂心暫替否。  
百年述如耻。富貴安可恃。况我抱羸疾。衰頹及壯齒。  
吁嗟同病者。墳墓紫葛藟。撫已增悚懼。衡命任終始。  
此遊恐不再。欲歸且徙倚。

深江

深江號安壘。繫泊多舟舶。豐洋四百里。候風渡空碧。  
絃歌有士妓。商販足遠客。叢祠鬱北峙。海門豁南闕。  
農戶事漁捕。市肆還逼迫。熙熙春月時。縱覽從所適。  
逍遙隄岸曠。邈泐濤瀾隔。浮遊雖可樂。浪蹤動多責。  
安得擺物累。源源蠟我屐。

宮致仕大夫醉石

潭潭城西宅。實是大夫居。前庭有巨石。穹隆如屋廬。  
怪偉疑憑神。蛇虺巢其窟。居者不敢褻。崇事多歲月。  
先人住其室。稍稍微藩籬。宮君實英達。決別無牙遺。  
起亭面岌嶮。欄楯屹相向。肆偃無卑態。蹙摺多奇狀。  
諷詠終日夕。壺觴娛耆壽。取彼栗里言。命名與實副。  
我來謂此石。見侮庸何傷。自愛世俗汚。矯誣無與明。



一朝遇真賞。洗滌免寬隘。石乎今方醉。有醒應點頭。  
哭君敬。君敬少有大志。從余學。冀為儒。已以親  
老產業未立。更學醫。客中洲上。自給之餘。饋其  
兄以養親。已死。其父限井丈人送。所抄醫籍示  
余。  
閩里浮沈六七年。奉親菽水豈徒然。猶記相從誦文  
史。經方抄遍有遺編。

送子祥

海道從來利涉難。初春雨雪尚漫漫。山哀浦思征鴻

夜。又泛孤舟過別灘。

道上示道三

清溪北下豁連山。廬井紛糝百里間。咫尺柴門無暇  
叩。峰頭又踏白雲還。

贈椎谷村正

絕歎清流十里餘。人家往往狀巢居。料知箇裏饒幽  
趣。山可燒畬水可漁。

椎谷

一入椎谷道。幽奧難具說。崎嶇循山溪。窈窕從石穴。

沿間路易窮。深險衣屨揚。翠屏忽中斷。懸泉掛巖薛。  
怪巖何嵯峨。一氣巧融結。波流呀衝蕩。千年無剝缺。  
瞻彼下注勢。混混不少輟。穹窿似投蜺。破碎如接浙。  
微風乍一撼。矢矯為龍掣。白日時來照。瓊瑤中瑩徹。  
烟嵐相晦冥。霧雨俄霏屑。沾濡衣巾透。盛夏失炎熱。  
深潭不知底。俯視轉凜烈。我來恣周覽。勝事得一挈。  
酌泉代壺漿。班荆為綿蕪。塵襟誰終解。煩襟徒暫潔。  
舉手謝山神。名區敢燕褻。望望出洞門。雲霞互明滅。  
夢寐感靈氛。恍惚久未晰。

寄李鳳在京

風動高林秋響悲。思親孝子夜求衣。休論列鼎他年  
事。須及緼袍負米時。

送松本生

鴨河源上大神祠。嘗從籃輿攬晚暉。二十年前恍如  
夢。憑君試訪舊王畿。

送宮生

深江東去海雲懸。看月上弦還下弦。莫向征途怨淹  
滯。錦囊多貯遠遊篇。

奉輓 德充公二首

寬仁禮臣輔。恭儉盡民情。俎豆無兼味。宮闈屏鄭聲。  
四詩辭已美。六學績還成。無復費宮蒞。徒書路寢名。  
霜露淒松栢。風雲擁寢園。股肱人尚在。制作跡空存。  
雄志成千歲。豐功委九原。慚無颺令德。寂寞感明恩。  
安部生所贈。石巖花盛開。

一別青溪巖又新。芳根培植傍風塵。殷紅為有故人  
賞。猶自依依媚暮春。

過蓮花院

賜城東郭掩禪關。一室蕭然萬事閒。拄笏湖平環裊  
海。明窓雲盡出遙山。開林通徑塵鷲地。拂石落泉苔  
蘚斑。茗椀酒杯從所。有清談竟日未言還。

先公卓上畫蘭題其上。應命題其詩。其詩云  
古人慎所漬。鹿醢藏芳質。不見山澤枯。還為彫俎實。  
哭雲卧上人

衲衣求道未為忙。菽水奉親思轉長。但道高人懷妙  
悟。還令流俗怪疏狂。藏舟虛壑何曾在。尋火前薪徒  
自傷。他日東林訪陳跡。仍疑跳屨下禪堂。

壽秋山丈人五十  
斑衣稱壽勸流霞。五女歸寧各有家。南軒麗景爭扶  
醉。判看流鶯蹴落花。

田中村人

西山勢將斷。沃野入平川。漁笳激湍上。神業絕巖巔。  
茅茨迎愛景。露積驗豐年。童穉多行戲。共抱遺摠旋。  
清溪北阜下。邑屋傍朝陽。塵發三冬色。荒蕪一夜霜。  
空林鶯微響。淺瀨落漁梁。獨往覽徂物。幽懷空自長。

香魚回

聞說銀鱗點額還。一條清雪落澄灣。幽人觀罷無他  
事。獨聽溪聲出晚山。

麝香塔

曾聞翠袖伴緇衣。都是干戈草昧時。不見苔碑寒澗  
上。百年蹤跡使人悲。

過龍門寺。壁間掛達摩像。故松屋大蓮禪師題  
語其上。

松門斜景野禽呼。石徑無人掃綠蕪。荒涼四屋塵埃

裏空掛胡僧面壁圖。

晚自廣瀨歸

荒蹊繚繞出寒山。落日歸雲相與閒。野蘓經霜萼菜  
盡。峰巒寂寞暮烟間。

茗讌

寂寞村雞報午鳴。竹爐莞席有餘清。賓筵徹俎客皆  
醉。坐聽松風吹鼎聲。

過顯卿宅

紅爐明燭故人家。歲晚寧嘆著鬢華。自有暗香巧醒

酒。虛窓夜色認梅花。

次王弁別韻二首

雲樹扶疏落九秋。石磯一半插寒流。道人無復虎頭  
相。長向清溪把釣鉤。題畫

魏紫姚黃各亞枝。一叢新樣欲閑遲。莫是春愁懶粧  
飾。烏雲微掠壓娥眉。黑牡丹

咏石

碌碌終何用。硜硜恆可聞。嵯峨挺厚地。膚寸合纖雲。  
綺繡文章異。虬龍形勢分。補天如可鍊。持以獻明君。

郊行

微官幾歲思歸休。暇日逍遙解我憂。墟落長烟看向晚。山峰爽氣已知秋。寒瓜易種施塋域。宿莽成叢蔽畝丘。自覺衰年多悔悟。不將詩筆鬪名流。

清水村

晚未驟雨灑寒林。一徑斜穿黃葉深。挾弋尤愁衣襪濕。喬柯登已失前會。

三浦老人起海隄。種松十萬株請題。

翠鳳翼蒼龍。蜿蜒遠相糾。莫是劓荅人。夜火出林杪。

豹

西蕃貢摯獸。文章方彪炳。隱霧辭南山。乘桴踰東境。明廷却旅獒。斥賣落市井。小人重奇貨。畜養擾懲獷。檻牢走九州。縱觀從所請。殊身觸網羅。搖尾均陷穽。利爪曷敢搏。犷性務自精。不逐魚羸群。甘為俳優等。羈柙喪疇匹。起行愴孤影。顧汝三嘆息。憂心轉耿耿。

秋海棠

微芳淑郁逐風捎。秋思何人獨黯然。也知憔悴蒙恩眷。不在朱欄綠檻邊。

送高橋村正

雨昏陰陰歲暮天。憐君網運發官船。磁鍼盤上過洋日。先認芙蓉一點烟。

上河內

咿嘍籃輿過險還。人家多住斷崖間。溪田土濕秋收晚。狼藉黃雲滿畝斑。

遠見冢

童阜穹窿行稍高。原田盡處接平皋。海山如玦還如月。幾點風帆上怒濤。

建德村出羨石。柔軟易刻。

頽年教令頗陵夷。却遇康侯勤政時。何日磨斯建德石。鐫將盛德樹新碑。

行西鄙有懷賀來生。

一溪清駛繞山根。力盡香魚不上源。指點旬人為余說。東邊却是佐田村。

咏梅二首

艷質誰從籬下栽。淡妝素服最難裁。輕烟微抹香魂動。纖月纔臨踈影回。雪屋噴岫一株在。冰溪咽絕幾

枝開。竭來故舊無消息。不見江南驛使來。  
芳心羞澁肯先開。最愛新妝別樣裁。不是晨暉拂暘  
谷。却疑霞彩起天台。風吹蘭麝從長袖。露濕臙脂染  
兩腮。幽艷奪將桃李色。任他春鳥隔牆猜。

東郊二首

草衣包飯恣幽尋。稜峭東風變積陰。細徑經巉過野  
廟。神機射宿翳喬林。老來呂尚徒無釣。詭遇王良少  
獲禽。向晚長汀攀宿莽。芳根猶鎖雪霜深。晚間就絲  
汀。米防風。

沙中纔見  
萌芽而已。

馬牧村邊樵采稀。燈籠臺下雪花晞。臨江瘠土催春  
種。釋嶠孤雲漏晚暉。綠榼淺斟分野酌。金丸狙擊落  
鸚飛。風寒日暮歸途遠。只聽鐘聲出翠微。

看松郭僻左。苦鐘響不亮。致上衙失時。兼松生  
贈無搖時刻表。卒然成詠。

機牙徐動轉機輪。學得更籌刻刻均。流水何曾舍晝  
夜。土圭徒自辨冬春。不須繆巧打鐘早。剛省奚奴候  
日頻。聞來相對成悲感。催促人生白髮新。

妙善坊口號



憑筇召辨指。村西履箱旋。春來多逃戶。何處借一廛。  
良珉言。長潭多大鯉魚。村人捕獲略盡。今止有  
十數頭而已。

三竿愛日煦寒蕪。野店禪寮樹影疎。潑盡平潭清見  
底。村童升木數潛魚。

送船越生歸鄉

歸裝索莫趁孤雲。人道周南稱逸群。赤馬關前多美  
石。不妨穿硯寫新文。

遊仙詩

余嘗夢至一處。山谷間。腴田千頃。街衢整甚。  
當前一嶽。高極霄間。稍進林際。見二小湖相  
連。湖上一精藍。宛如畫圖。顧其伴。亡友淺野  
孝甫也。余腰下止有一劍。見內田君敬帶三  
刀。取其一佩之。君敬常從余二人遊。亦死已  
久。還訪一家。主人方宴客。堂上杯盤狼藉。余  
意悔往。俄然驚覺。懷古傷今。遂作此詩。  
陳人閉戶常困睡。飲酒不多長自醉。夢中恍忽如有  
知。剖析黑白定方位。清川逶邐帶疊嶂。村盡路窮露

層翠。一嶽崛起勢摩天。兩湖相啣碧玉環。古松精藍  
非人世。畫棟粉壁遠鈎連。憶昔負笈走千里。勝區過  
眼如雲烟。自從卧病竄海甸。無復清暉媚行硯。青鞋  
布襪長已矣。殘杯冷炙寧足戀。人間仙遊何可期。身  
無疾病神無懼。招魂起死為伴侶。一枕即是少年時。

東郊采茵

雨淋秋草微着黃。土膏凝結如截肪。乍看腐臭化神  
竒。青頭菌子發薌香。急裝趁晴誰君後。搜山鑿林恣  
踐蹂。迷途却回忽相見。賈勇先登顛且仆。玉杯出豕  
血肉沁。銅甌掉酢青綠透。別有松毛稱竒種。頃筐隨  
手收。蒙茸歸來烹調點。酸辛麥飯一飽如八珍。童子  
莞爾微饋餉。先生初無食肉相。

落葉四首

高樹隕霜早。閒庭落葉聞。隨風何浙浙。和雨已紛紛。  
文砌掃難盡。深閨聽始分。情知將變木。洗濯付東君。  
榮茂須標異。衰頹還自同。飄巢促玄鳥。挂網駭青蟲。  
室靜辨風陣。林疎窺月弓。幽居急掃取。禦臘有微功。  
端居觀一氣。消剝不曾休。澎湃常連夜。翻飛輒減秋。

蠅書訝成字。蟻附想爲舟。不見歲寒節。孤松表隱丘。  
愛日隨垂景。行人何擇陰。重重徹錦障。一一辨雲岑。  
彩繪將無設。斧斤還見尋。號風絕凡響。管籥有遺音。  
天保丁酉。余年六十。諸生載酒爲壽。賦謝。  
兀兀窮愁六十年。頭童齒豁竟誰憐。多謝故人先酌  
我。好扶殘醉理遺編。

奉送君公東上

兩旗搖曳拂晴雲。繞鼓嘲轟海色分。仍歲同文頌五  
瑞。清時講武有三軍。紹庭德教民皆仰。考績仁聲世  
共聞。不見農郊修畢弋。野人斫額總欣欣。

壽佐野國手六十

兒孫治具曉夜忙。款客先排醒酒湯。羨殺仙翁老無  
事。瓊筵沈醉九霞觴。

謝岡見介借蘭書

劇職少休暇。昏昏退食餘。深慚故人厚。得讀異邦書。  
奇字周王鼓。多方惠子車。援毫欲有記。妙理定何如。

漫興二首

杜門却掃絕招尋。養病逍遙歲月深。誰道通才輕百

里寧知弊幕享千金。讀騷仍閱群芳譜。講易頗窺先  
哲心。童子汲泉炊石鼎。選將綠萍滌煩襟。

何處鷄聲破畫陰。篋床推枕轉滂滂。屬奴種菜交冬  
夏。有客問奇論古今。一榼濁醪聊斟酌。旁行蠻籍頗  
研尋。自知祚薄填溝壑。不向洪爐問鑄金。

偶作

親故凋零交脫稀。黃梁炊熟歲年移。老懷恰似夢中  
事。說向旁人都不知。

送子庾東行

米生理展裝。告別登吾堂。二年同爨炊。一旦遂分張。  
嘉子尚文術。進取日激昂。東征履坎險。山海阻且長。  
低蓬踔絕嶋。叱馭陟高岡。垂堂既有虞。乘木安可詳。  
上國俗滯靡。客子戒空囊。濟濟周行內。恭敬在所將。  
嘗聞滕夫子。經藝冠皇庠。樞衣謹唯諾。群哲與翱翔。  
宦遊良可樂。名區互相望。况又從五馬。道路有輝光。  
別辭未及申。從者候門傍。余亦著玄服。臨江拜旗章。  
森文學來訪。賦贈。

微服浴沂日。輕齋過海時。蓬門勞下問。高論見英奇。

無復高人操。多慚君子知。文章終小技。何以答來儀。

廣瀨子基示所著折玄賦謝。

往年為我共詩真曰又之。

柴門松菊定何如。抱病江城嘆索居。卅歲交遊成一夢。千秋事業在三餘。研朱嘗點舊詩卷。副墨還傳新著書。最是山人喜不寐。向來絃誦化卿閭。

歲晚遊覺雲寺

雲樹蒼蒼落日頽。虎溪風物暗相催。勸君莫作攢眉事。且盡行厨酒幾杯。

過朝日寺

人間膏火轉煎熬。還就禪宮買濁醪。頓悟高僧語尤妙。老羸居士飲難豪。清溪一曲原田曠。白屋斜分社樹高。向晚尤愁歸路遠。桑榆餘景映丘皋。

賜元恕見訪賦贈

羽衣山下海沂邊。憶侍先師理簡編。敢謂微言聞後學。終無懿行企前賢。雲飛兩散三千士。物換星移五十年。慙愧故人遠相訪。閒窓話舊轉悽然。

胥宇西郵。歸過建福寺。主僧不在。婆子供茶。

西山歸去路空長。野寺無僧鎖夕陽。欲識老婆真功

處一杯山茗潤枯腸。

楠判官

不管妖星犯紫微。楠公忠勇古今稀。如何建武聖天子。一入寶山空手歸。

東山公

書畫風流誰與倫。室町祖業總成塵。內廷也鈐黃金印。留與遊閒好事人。

利休居士

滌器儀成是褻臣。可憐誅菹觸龍鱗。勸君欲保清高

節。試見三條破釜人。

送笠間子恭歸柳河

求古校文歸自遲。北豐山水足清奇。知君野馬溪邊去。正是寒冬石出時。

壽孤遊丈人七十

綺肴盈俎酒如河。稱壽瓊筵客自誇。九月名園蕙蘭盡。東籬猶有傲霜花。

送慈詮上人還嶋原

燦火寧將日月同。西河亦繼聖人風。空王遺教師須

識。總在聲聞投記中。

題鳩生田居

爭巢鳥雀噪閑軒。稻有腴田菜有園。隣婦輟畊昏乞  
火。山僧得句夜敲門。撈蝦多在柳陰岸。行藥偶過花  
外村。情識積金非子事。好留經史課兒孫。

題畫四首

夏山多青翠。寒驢行轉慢。故人知在家。為我宰鳴雁。  
茅亭蔭濃碧。空翠畫欲濕。歸舟去已遠。幽人猶佇立。  
陰飈捎長木。檝檝歲寒時。春光未相借。徒有向南枝。

蝸角聞蠻觸。有生極微眇。春園動區萌。寧知通達表。

讀徂徠集

枳棘棲鸞鳳。能為韶濩音。誰知羈彩羽。不入嘉樹林。

畫應人需

濯濯新臺下。呦呦靈沼東。蹈花戲吳苑。指馬出秦宮。  
不有虞羅懼。寧將皂極同。丹青多所象。宛在點存中。

孟蘭盆供燈淳心基

蟬蛻遺形鬼有靈。一燈且為照幽冥。招魂不用巫陽  
下。分附貝多三部經。

上河側山

仗策躋修坂。褰衣俯密林。閒行輕險絕。流覽自高深。  
罷士憫老意。歸禽懷遠心。迷途問田父。落日在西岑。

此日有羣鶴數十。翩聯北去。

西嶺雜詩

誅茅架竹傍林叢。唯有經村一徑通。西出郭門三十里。燕樓仍在暮烟中。

鶴觀西畔是芙蓉。積石嶢嶢霄外重。昨夜殷雷行雨去。殘雲凝住最高峰。

青山盡處設柴關。目極東南杳靄間。一鶴高飛過海去。天邊即是豫州山。

雙燕雙飛蹴落花。山林隨分又為家。細君頗解農圃事。牛糞覆棚滋越瓜。

裙襦犯夜豈非難。狼藉灰塵認血痕。拾得黃金誰敢取。知他附物有完魂。

北豈婦人。夜過藍原。為奴投取金。就茅積焚其屍。天明止有骨頭。藪斤。而巳。

拙會畢竟少。知機熟視彈丸不肯飛。弋取一頭勅厨去。調羹須及晝鋪歸。



溪邊芳草稍抽尖。四野晴光媚笠簷。勢得了鬟常落後。唯貪沿路采茅鍼。山妻有姪女七八歲。每出即從。

霏霏雲氣傍簷流。一雨清涼便似秋。莫是焚香三頃首。番公直在屋山頭。

沒踵溪沙人跡稀。意行緝屨趁清暉。發蹤誰是誇功首。剗得崖間土當歸。

獨立亭亭歛翠鬟。北豐峰岫萃蒼間。從行童子悟還笑。箇是吾家屋後山。

觀瀑巖罅路幾層。陰崖噴霧濕衣滕。一行都怕長蛇

出。定是垂崖老紫藤。

相傳瀑有巨蛇。見老藤根緣壁穴。滿長數丈。

前者騰騫後者呼。綠溪魚貫揭衣襦。慎防失足落潭水。先適鬢兒與酒壺。

世事紛紛未是閒。勢家却入白雲間。餉我甕頭須有意。好將沈飲掩柴關。謝竹屋主人餉酒。

歸舟搖櫓出城隍。水波不作雨如篩。木頭記得提綱處。正是王餘魚上時。歸山舟至頭成聚。

嘗着高遠范寬圖。翠嶺中分露雪膚。更向村南尋絕境。懸泉百尺碎跳珠。釣魚西澗。

朝來失日問東隣。筭魄筭望都是愁。急就床邊取官曆。從頭閱過轉茫然。  
晴雲未敢粘高天。傍石依林白似綿。欲待囊盛城裏去。誇言陶景是頑仙。  
孤花纖妙出深叢。知與溪蓀却不同。莫道幽閒多媚態。託身終落瓦盆中。

當年故舊絕追尋。終無書尺到雲岑。多慚遊子具寒

服。似識山中霜雪深。

謝宗生在京贈衣。

米蕨米薇西日曛。黃衣白笠自成群。笑他要識夷齊

樣。且就先生看餓文。

慚愧明恩特賜閒。全家來住白雲邊。連峰北列成屏障。一澗東流代井泉。野老燒畬播戎菽。山雞鑑水弄華鈿。陰符道錄看都倦。唯擬樵蕪送暮年。

春及西疇雨乍晴。已看耒耜勸深耕。彩禽啾啾挾雌起。黃犢牟牟隨母鳴。荷蓑丈人多識面。橫經孺子未諧名。極知癡老無心力。漫捲遺編乞後生。

晚來曳杖出幽叢。擣刺藤梢路屢窮。老樹無心留朽白。殘花有恨著微紅。別峰乍送歸龍雨。內海仍吹泊

貝風。知是長鏡。劉山藥。百錢解杖。附隣翁。正二月間。源海東風。

層塔屬。得此從海洋深處來。泊折岸。名曰泊貝。

茶鼎烟消。厨竈清。書燈花結。半床明。寒衾纏縛。居三歲。春夢紛紜。夜幾更。升木幽會。如有喚。窺窓斜月。竟無情。起來納履。成間步。遠海依微。曉色生。

竹塢松門。僻不譁。懶雲長護。野人家。適山柔蕨。稍展掌。繡野芳蒸。初著花。鶯舌調時。春服薄。鱖魚躍處。釣竿斜。解衣槃礴。誰尤巧。寫取新圖。向客誇。

西疇。奕麥始堪嘗。北牖清風日漸長。舊燕益巢。半梁

窄。新鷺上箔。一家忙。飲非高戶。疎觴政。病得中醫。捨藥方。却有緇衣。昧生死。楞嚴笑說。兩三章。

和杜牧之

烏江亭長。穢舟時。拔山力盡。一堪悲。溫仁仍賜。陣頭馬。不似龍顏。蹴二兒。烏江亭

爭寵爭娟。能幾時。暴暴高冢。使人悲。墳前也有。白楊樹。到底不成。連理枝。宮人家

幾年棄擲。匣奩間。玉質空留。月半彎。却有清光。昏不盡。提來仍照。別時顏。破鏡

圓山觀漁  
葉舟蕩槳截清波。片片銀刀出網多。試問都門遊宦客。故園漁樂興如何。

御堂

慈雲閣子俯澄灣。赤岸青松試一攀。隔浦人家呼不應。江城宛在水雲間。

山妻患乳癆。以鈎吻汞霜治之。已痊。又發。小田生為割之。賦謝。

痼毒多年著乳房。快刀割下似割腸。論方怪爾巧過

我。唯用一杯麻沸湯。

再觀推谷瀑布

一別溪山三十年。依稀巖壑夢中看。老松齒牙殘缺盡。瀑泉重漱雪霜寒。

過源助宅

茅茨面面對青屏。避雨幽人且倒瓶。牀上塵埃深半寸。猶看蠹簡閣黃經。

咏史

曾疑范子泛湖心。謀國謀身誰是深。載得西施尤便

計不須贖妓費千金。范蠡

雷鼓雲門起戰塵。殲吳樹晉果何人。怪來百世鉛槧

者。不識羊祜是叛臣。羊祜

北遊雜咏

憶昔元師東渡心。一瓶一鉢托幽尋。寒村也有傳燈

者。荒草堂前一丈深。御名村有小菴。諫黃巖山。

雙溪合處豁平川。沃野賸賸千頃田。誰向山樊築精

舍。讀書獨覺送餘年。木棠村

佐水湖初村路斜。茅茨箇箇枕溪涯。堦垣壞壁推頽

盡。人道當年周鼎家。勝尼村

經石東邊徑澗滑。迷陽刺足轉嶙峋。指點先人射猪

慶。磬頭石聳擁荆榛。道上示賀來生。

峰頭一望儘堪誇。水郭山村雜犬牙。安得此身插雙

翼。遍過豐北故人家。馬城峯

攀盡真山得假山。清泉綺石異人間。夜來應有遊仙

夢。直度天門第一關。成就功

闕宮岌業倚層阿。畫棟暈飛壓彩霞。歸來試就主藏

問。寧有賡書禁過河。苑狹廟。書五篇。禁書。皆係賡作。

嘗聞神帝出震方。冕服無端十二章。猶有尚衣謹封  
鑄。鬼神呵護歷星霜。廟藏應神帝裳

涯渚何嘗辨馬牛。平沙渺渺接長洲。怪來民力誅求

盡。不作黃雲萬頃秋。與寄新田。長洲地名。

晚來風緊飽帆斜。忽看驚濤脫槽牙。石岸維舟尋去

路。不知何處故人家。舟抵香地

多謝柴門頰送迎。野珍停箸醉兒航。高齋一夜閑支

枕。聞得溪魚上石聲。宿野田村正宅

如戟連峰碧刺天。雲梯石棧步將顛。禪堂牢鎖無人

在。難汲文珠窟裡泉。文珠山

學溪東下直如繩。富永絲長呼欲應。洞仙逝後英靈

盡。喬木何邊下馬陵。學溪。富永洞仙先生所居。絲長亦村名。

名家多子嗣微音。一去人琴恨不堪。欲向荒塋奠雞

絮。不知誰肯秣疲驂。追憶三甫大洲

黑巖纔過氣融融。夾路長松落細風。意就門生寄飯

飲。十王祠下認深叢。黑巖嶺

題野田村正新宅二首

矮牆俯遙甸。新築倚崇丘。大嶽仙蹤古。溫泉神變幽。

閒官並碁局。遠景數漁舟。相從愁修坂。安能載酒遊。  
睡起知亭午。村雞遠響傳。聞人來獵酒。野衲坐談禪。  
書畫清玩在。釣漁幽興偏。優遊堪送老。不必學神仙。  
雪朝口號二首  
雪片隨風度竹欄。瑤瓶驗得幾分寒。東皇欲作青春  
意。先點梅花樹上着。  
黃紬被底掣身遲。一夜雪花封樹時。却有溪風不全  
惡。倩渠顛脫野梅枝。

東遊道中

長路過千里。輕齋儉十金。青雲他日志。白髮故園心。  
新月無留影。歸禽有遠音。行人多所慮。感激欲沾襟。  
川上驛道上。望石缺山。如在天際。

大嶽表南紀。修途限北澤。老無濟勝具。病負遂初心。  
半壁流雲合。中峯頽景陰。名區愁一曠。植杖試長吟。

象頭山

松山作歌日。象嶠降神時。皇天悔爽德。邊鎮仰明威。  
巍廟瑤林古。雕甍碧霧晞。幽人無所禱。徒爾拜靈幃。

靈山即事

欲覓安身處。羈裝此卜幽。晨光明萬井。暮色合長流。  
鐘磬何邊寺。絃歌幾處樓。浮雲西北起。渺渺使人愁。

咏竹。應其生需。

得風數竿竹。俯仰弄嫩青。晚來代女侍。扇子宿醒醒。

謝玄玄道人餉荷葉飯。

馨香縈匕箸。一飽發遐想。欲拉支床物。去遊蓮葉上。

經廣澤赴高雄作。

滄池何渺渺。菱芡似江鄉。唼藻綠鳧戲。啣魚白鷺翔。  
殘烟沈梵宇。返景暖農場。北上長刀坂。唯聞芝菌香。

高雄

晚入高雄谷。霜楓未染紅。密林何窈窕。雜樹轉青葱。  
見石清溪急。過橋回磴通。驛人愁薄暮。不致叩花宮。

建仁寺謁環中尊者影堂。

人間何草草。宛似飯黃粱。五十年前事。焚香拜影堂。

加田粟嶋祠

行雲帶雨暗灣埼。泉尾紀頭神女祠。海客賽來却回首。  
羅幃蔭下夕陽時。

鞍馬寺



崎嶇鞍馬嶺。險絕實難行。客搦樹根上。鳥穿雲葉鳴。  
半郎嘗學劍。僧正又論兵。野乘足虛謬。懷古幾傷情。  
某上人。有金梅。求余詠之。二首。

休檢梅花譜。都從盆上栽。應邀驛客賞。不肯一齊開。  
落月透虛窓。花影淡如霧。禪心無所著。不作羅浮夢。

送麻生還鄉

麻生告別上舟航。無復青錢滿一囊。惟有通天橋畔  
樹。栽成盡錦照歸裝。

送宇都宮生

瓠蘆帶毛蕪未成。寒厨何以薦離觴。子歸試看東籬  
下。時菊應經幾夜霜。

觀真龍美人圖

蕭寺歸來寄老身。長齋饒益鎮生塵。笑他能畫真龍  
子。苦寫媯娥示別人。

唐崎二首

海山峭拔如劍戟。海色蒼涼尤畏人。憑誰能取平遠  
景。也與夏珪為後身。

回首昨遊知幾春。坐看松幹累龍鱗。何當筇箸湖邊

去却作蓬窓聽雨人。

山中嶺記童謠

大津妓女茜裙新。奩鏡初開粉面勻。誰知把箇妖嬈質。賣與街頭補履人。

智哲師住持惠林寺。久傳其死。余居采薪亭。晝

間聞寂。有排戶入者。師也。賦贈。

嘗聞遷化十年前。忽見清容轉愕然。贈我甲金薄如

爪。唯疑埋在玉棺邊。

五百羅漢

誰將頑石刻應真。面目依稀略似人。特恨當年畫學士。不留一箇擬凡身。

下醍醐

歲近小寒寒未嚴。藤森東去比茅簷。村翁為我指微徑。枯樹梢頭露塔尖。

上醍醐

女人堂下借筇杖。拄到上方山徑斜。尤愛溪泉冷漱齒。不泡鬼道穀前芽。

大石大夫遺墟

荒松落雪晚風悲。野廟東邊有路歧。村婦也知重忠義。道余林下看新碑。

南禪寺  
三條橫絕野蹊回。茅店葦藩臨水開。猶記冠童探勝日。雨禪寺下竊磁杯。

銀閣  
霸朝遺構費攀躋。金閣崢嶸銀閣低。茶經瓶史多閑事。却把風流附艷妻。

詩仙堂  
非真面目非精神。入神思者非真神。

佛盧岑寂畫關門。高士遺蹤嵐翠間。愧我暮年多浪跡。忍令清鴨照衰顏。

赤山

赤山祠宇接荒村。三友同遊我獨存。赭面烏毛無恙在。欲將往事問王孫。

御室

八十八區空海祠。傍山臨水敞雲扉。幽人不復祈靈響。試上層巔覽帝畿。

龍安寺

野寺樓臺倚翠微。平陂渺渺浸清暉。偶然下渚寒幽  
草。驚起寒禽作隊飛。

寂光院

不與膠舟沈海湄。傷心野史有遺辭。遠客偶來尋舊  
跡。春煙山下冢累累。

音無瀑布

潑石縈崖落且閒。宛如匹練委溪間。奔流不作夷夷  
響。恰好吟詩答碧山。

帆足先生文集卷之一終

